

Gottes, der euch bereit an vber ewrem kopff schwebet, vnd faret nicht fort, mehr einzuschencken inn das maß, welches bereit an allzuseer vberleufft; die Axt ist euch gewißlich an die wurtzel des baums gelegt.²³²

Oder so jhr gar verblendet vnd verstocket vnd so tieff in ewern lastern
 5 ersoffen seid, das jhr ewer sünd nicht erkennen köndt, so bedenckt nur allein das, welchs auch ein jeder Türck oder [F 3r:] Heid verstehen kann: Das jhr widder Göttlich vnd Menschlich recht, ja widder ewer eigen eidespflicht vnd gewissen handelt, weil jhr vns vnd vnser sach, ehe sie mit recht verhört vnd verdammet ist, so grimmig verfolget.

10 Wir bitten euch derhalben vmb Gottes willen vnd Protestiren solchs Zum offterm mal mit kleglicher bitt für Gott vnd der gantzen welt, das wir ein frey Concilium begeren, Vnd erbieten vns, daselbst einfeltigen gründtlichen bericht von vnserm glauben vnd Lehr zu geben. Darumb gebet vns doch ein frey Concilium, welchs jhr vns von alles rechts wegen schuldigk seid zu
 15 geben, welches jhr vns auch offtmals mit so tewren worten verheissen habt!

Aber was hilffts, das wir mit diesen Teuffelskindern²³³ reden? Oder was hoffen wir etwas von jhnen zu erlangen, weil wir jhnen so lange zeit vmbsonst mit demütigem flehen angelegen vnd zu fus gefallen sind vnd sie nichtsdesteweniger on vnterlas erkante warheit verfolgen, öffentliche jrthumb verteidigen, new Abgötterey auffrichten, vnns alle, die wir Christen^o
 20 recht bekennen, todt wollen haben vnd widder den heiligen Geist selbst sündigen.²³⁴

Vermercket jhr nun nicht, das sie inn verkerten sinn gegeben sind, sintemal solches leichtlich zu verstehen ist, nicht allein aus jtz gemelten stücken,
 25 darmit sie doch jhren Gottlosen ver[F 3v]kerten sinn vnd mit öffentlich entdecken, sondern auch darauß, das sie mit dem erbfeindt des Christlichen namens, dem Türcken (welchem sie jtz fein die ban²³⁵ bereiten, weil sie Deuschlandt also gar schwächen) fried machen²³⁶ vnd jhm noch mechtig groß gelt darzu geben, auff das er sie nur vnangefochten lasse, damit sie
 30 vertilgen vnd außrotten können die heilsamen Lehre Christi vnd seine Kirchen, welche nicht allein vnschuldiglich von jhnen verfolget wird, sondern jhnen alles guts erzeugt hat. Heist das nicht recht Barrabam loßlassen vnd Christum Creutzigen?²³⁷

Wollen derhalben diese verstockten vnd verblendten wüterich faren lassen,
 35 vnd erstlich, so jrgent fromme Leut sind, die es noch etlicher massen mit dem Babstumb halten, darumb das sie vnser sach noch nicht gründtlich er-

^o A, B, C; rectius: Christum.

²³² Vgl. Mt 3,10; Lk 3,9.

²³³ Vgl. I Joh 3,10; Joh 8,44.

²³⁴ Vgl. Mk 3,28f.

²³⁵ Bahn.

²³⁶ Vgl. Anm. 119.

²³⁷ Vgl. Mt 27,26; Mk 15,15; Lk 23,13–25; Joh 18,38–40.